



11. oktober 2016

UKA2016/40

Inatsisartut aalajangiiffigisassaattut siunnersuutigineqarpoq Inatsisartut Siulittaasoqarfiat peqquneqassasoq Inatsisartut suleriaasiannut allannguutissamik saqqummiusseqqullugu, Naalakkersuisuni siulittaasup, siusinnerusukkut malittarisassat pissusaattut, Naalakkersuisut sinnerisa oqaaseqarnissaminut killilersorneqarnerat attornagu, sukkulluunniit oqaaseqarnissaminut piumasaqarsinnaangorlugu. Tamanna pillugu siunnersuutigineqarpoq Inatsisartut Suleriaasianni aalajangersakkamik ima nipilimmik ikkussisoqassasoq: "Naalakkersuisut Siulittaasuatoqaaseqarnissaminik kissaateqaruni sukkulluunniit oqaaseqarumalluni piumasaqarsinnaavoq".

(Siumut, Demokraatit, Atassullu sinnerlugit Inatsisartunut ilaasortat)

Siulittaasoq! Siumut, Demokraatit aammalu Atassut sinnerlugit una oqaaseqaataammat erseqqissassavara:

Siunnersuummi uani pineqarpoq Naalakkersuisut Siulittaasuatoqaaseqarnissaminik kissaateqaruni sukkulluunniit oqaaseqarumalluni piumasaqarsinnaalissasoq. Tamanna periarfissaasimavoq 2008-mi suleriaatsip allanngortinneqarnerata tungaanut. Tamannalu utertinneqassasoq Naalakkersuisooqatigiit Partiivisa kissaatigimmassuk, Naalakkersuisooqatigiit Partiivi Siumut, Demokraatit aammalu Atassut sinnerlugit siunnersuut akuersaaratsigu oqaatigissavara.

Siunnersuut taama isikkoqartillugu aappassaaneerseqarnissaa Siumumiit, Demokraatiniit aammalu Atassummiit inassutigaarput.

Ineqi Kielsen
Siumut